

吳中舊事 全

2020.125
P265
部=

序

吳中舊事一卷元陸友仁撰友仁字輔之吳郡人此書蓋紀其鄉之軼聞舊迹以補地志之闕者其體例則小說家流也其中如辨吳會吳下之名及陸贄墓張籍宅和合坊高彪碑之類皆足以資考證又如紀陳長方潘兌事紀朱勗事亦足以資法戒其他如范純佑慕容崑卿事頗爲不經李璋事亦頗猥瑣然古人雜記之書類多如是不足爲友仁訾也惟所載鹿苑臺銘記云永和七年陸璣建碑王羲之書則二人時代邈不相及殊失之于不考耳友仁嘗著研北雜

吳中舊事

序

志一書久行于世惟此書傳本絕稀自序稱參記舊聞一百餘事今所存祇九十三條且字句時有訛脫謹于其可考者各校正之存備說部之一種固愈于他小說之荒唐悠謬不軌于理者焉綿州童山李調

二甫村識

吳中舊事序畢

吳中舊事卷一

元 陸友仁 著

綿州 李調元 楠 撰按

吳中山水清嘉衣冠所聚今其子孫往往淪落而無聞其遺風餘俗邈不可考故因暇日叅記

舊聞凡一百餘事庶資郡乘之萬一云爾

李育字仲蒙吳人馮當世榜第四人登第能爲詩性

高簡故官不甚顯亦少知之者與大父晁公善

按大父上

疑有脫字尤愛其詩先君嘗得其親書飛騎橋一篇于晁

公字畫亦清麗以爲珍玩詩云魏人野戰如鷹揚吳

人水戰如龍驤氣吞魏王惟吳王建旗敢到新城傍

吳中舊事 卷一

朝主心當萬夫敵麾下蒼皇無羽狄塗窮事變接短

兵生死之間不容息馬奔津橋橋半徹洶洶有聲如

地裂蛟怒橫飛秋水空鷗鷺徑度秋雲缺奮迅金羈

汗沾臆濟主艱難天借力艱難始是扶主時平日主

君須愛惜

蔣侍郎堂家藏楊文公與王魏公一帖用半幅紙有

折痕記其略云昨夜有進士蔣堂携所作文來極可

喜不敢不布聞謹封拜呈後有蘇子瞻跋云夜得一

士且而告人察其情若喜而不寐者蔣不知何從得

之在其孫藝處

程光祿師孟吳下人樂易純質喜爲詩效白樂天而尤簡直至老不改吳語與王荆公有場屋之舊荆公頗喜之晚相遇猶如布衣時自江州致仕歸吳按宋孟致仕在知青州之後此云江州恐誤適荆公在蔣山留數日時已年七十餘荆公戲之曰公尙欲仕乎曰猶可更作一郡荆公大笑知其無隱情也

蘇子美云吳中渚茶野醞足以銷憂尊鱸稻蟹足以適口又多高僧隱君子佛廟勝絕家有園林珍花奇石曲池高臺魚鳥留連不覺日暮遂終此不去

諸詢字永叔隱君子也鄉人罕識之章丞相程光祿吳中舊事卷一
尤與之厚善

林德祖處云余家自伯父皇考洎諸父奉王大母大母來居于蘇著籍此州者五十年矣今帶城橋儒學坊爲吾家榜也橫山之寶華華山之博士塢吾家三世之所葬也華山有智顯寺宋紹聖四年知樞密院事林希請爲功德寺遂加慈顏之額林氏墓在寺後穹窿寺有米元章題草書壁高宗嘗欲取去有狀元

不曾移徙

按盧熊蘇州府志云寺舊有米芾大書詩兩壁今已不存矣又吳郡志載吳中識語

日穹窿不移狀元歸淳熙初山中大石一夕自東徙西吳縣黃由遂狀元及第云云此段文不連屬疑有訛誤

林樞密家在寶華山下故書手澤多爲人所得余家藏其手書左傳訓練二帙末有題字云姑蘇林子中借錄于家藏辛卯仲秋中澣歲大水霖雨不止

按此下疑

有脫文

紹興中有于古塚得故外黃令高君碑隸書殘缺乃東漢高彪漢書傳云彪吳郡無錫人後遷內黃令帝敕同寮臨送祖于上東門彪到官有德政上書薦縣人申屠蟠等卒于官史以外黃爲內黃誤矣當以墓碑爲正稿簡贅筆

按宋詩紀事章淵作稿簡贅筆原本訛稿簡爲橋蘭今改正隸

釋云紹興中吳郡取土于郭外而得之今碑在郡齋

吳中舊事

卷一

三

章伯深淵言吳中風俗上元夜鏡鼓歌吹喧街市謂之旱划船

龍溪曾收彥和會稽賀鑄方回二家書最多其子獻之朝各命以官皆經彥和方回手校二家並居郡中今西山羊腸嶺有彥和之父墓碑

范文正公長子監簿純佑自幼警悟明敏過人公所料事必先知之善能出神公在西邊凡虜情機事皆豫遙知蓋出神至虜廷而得之故公每制勝料敵如神者監簿之力也一日因出神爲人所驚自此神觀不足未幾而亡時甚少也張子賢聞之公之族子聞

彥和云

平江自朱勔用事花木之奇異者盡移供禁禦下至
墟墓間珍木亦遭發鑿山林所餘惟合抱成圍或擁
腫樗散者乃保天年建炎已酉冬至庚戌春宣撫使
周望留姑蘇諸將之兵斧斤日往樵斫俱盡棟梁之
材折而為薪莫敢如何諸山皆童矣亦草木一時之
厄耶

宣和間朱勔應奉進為節度使子汝賢慶陽軍承宣
使汝功靜江軍承宣使汝文閣門宣贊舍人弟勣閣
門宣贊舍人汝猗朝奉大夫直龍圖閣汝舟明州觀

吳中舊事

卷一

四

祭使汝明榮州刺史孫絺繹約綯繹綬

按原本綬作
緩今改正

並閣門宣贊舍人綽紳並閣門祇候一時軒裳之盛
未之有也靖康初籍其家悉追奪竄嶺表

宣和癸巳春勔採石太湖鼇山得一石長四丈有奇
廣得其半玲瓏嵌空竅穴千百非雕刻所能成也并
郡宅後池光亭臺上有白公檜世傳白樂天手植也
創造二大舟費八千緡以獻時常潤間河渠淺淤重
載不前乃先繪圖以聞宸翰賜石名神運昭功敷慶
萬年之峰是秋方至京師詔置于艮嶽

建炎庚戌二月二十五日金兵陷平江府兩浙宣撫

使周望移兵退侯崑山縣泊舟馬鞍山下湖邊吏方
川印忽有風旋轉入舟印與文移盡捲入水相視駭
愕使水工探之不獲望懼北兵之來襲也欲急走屯
通惠鎮爲失印所撓留吏求之吏禱于馬鞍山神曰
靜濟侯者曰苟不獲將得罪必焚廟而行縣宰亦懼
乃作堰捍水以蹋車涸之畚插如雲鑿數尺始得之
已淪亡泥中矣墨莊漫錄

新唐書載張籍和州烏江人而張洎作張司業詩序
云籍蘇州吳郡人二者無可考證今烏江縣有張司
業宅則疑傳載爲是余因以詩集攷之有贈陸暢詩

吳中舊事

卷一

五

云其闕長安街裏塵吳州獨作未歸身胥門舊宅今

誰住

按原本吳州作吳門誰住作誰在今從本集改正

君過西塘與問人由

是可知籍吳人無疑矣抑亦嘗寓烏江耶

府署之南名吳會

黃外反

坊按後漢蔡邕傳亡命江海

遠跡吳會

音與會計之會同

注引會稽高遷亭竹掾爲笛事

又諸葛孔明說荊州形勢曰東連吳會王羲之爲會
稽內史時朝廷賦役繁重吳會尤甚石崇論伐吳之
功曰吳會僭逆指言孫氏則吳會當是吳郡與會稽
猶言吳越也蓋不獨謂姑蘇今坊名吳會未知何據
而然前漢吳王濞傳上患吳會輕悍卽吳郡會稽也

謂八爲賦子唐韻云賦小大廢不解事者
慶歷間安定胡先生在吳學蘇子美被誣退居滄浪
亭太常博士陳虞卿壯歲致仕而歸吳人稱三賢人
胡先生以教子美以文虞卿以學名動天下

程若筠吳中道士善畫嘗在東京師

秀峰寺西二十里至三洋有嘉祿寺寺門石幢刻唐
咸通年又云上當慶忌尼寺蓋寺舊名云字已漫滅
吳農忌五月甲申乙酉則大小麥不收諺云甲申
猶日可乙酉怕殺人

范致能有會散夜步詩云忘却下樓扶我誰接權
吳中舊事 卷一

倒酒沾衣貪看雪樣滿街月不上籃輿步碣歸步碣
吳語也雕簷綺戶倚晴空如畫曾是吳王舊臺榭自
浣紗人去後落日平蕪行雲斷幾見花蕪在 吳中涼
闌干外一簇江山多少圖王共爭霸草開愁金杯鐵
灑對酒當歌歡娛地夢中興亡休話燕倚遍西風晚
潮生明月裏鷺鷥背人飛下余每登此蘇臺讀潘庭
堅柱間洞仙歌輒徘徊不忍去元統三年冬郡守濟
南張侯新修北臺易去舊柱遂不復存庭堅亭祐中
嘗爲浙西茶鹽司幕幹官鄧道樞字應叔綿州人端
平甲午隨魏文靖公舟下瞿塘峽越五年抵吳

案此下疑

有說

文

僧妙應者俗姓童鄉人呼爲童和尚妙于刻石居隆興寺嘗模廬山王翰須菩提像刻寺中其碑陰作天台五百尊者筆法奇古又于虎邱作石觀音像亦佳淳熙中人

五柳堂者胡公稷言所作也其宅乃陸魯望故址所謂臨頓里是也

楊懿齋

按吳郡志
儒作齋

字彛父其先浦城人與方子通同

時號吳中二老

楊友夔字舜韶有文行許彥周云舜韶長僕十餘歲

吳中舊事

卷一

七

向同在姑蘇時盜發孫堅墓楊作詩云闔閭城南荒古坵昔誰葬者孫豫州久無行客爲下馬時有牧童來放牛嗚呼舜韶今亡矣他詩皆工必可傳世也

孫實字若虛郡人少負俊聲特好滑稽談笑有味壯游鄉校同舍多出田里富家以孫之貧不甚加禮而一牛姓者尤所侮玩因作牛秀才賦嘲之中有云腰帶頭垂尚有田單之火幘頭角上猶聞寧戚之歌賦成聞者絕倒是時樂圃先生朱長文爲州學教授命其父訓飭之遂發憤適京師入太學登第而歸仕至朝奉大夫知光州卒

丁晉公自光州歸葬華山所居在大郎橋堂宇甚古
有層閣數間臨其後諸孫德隅善篆亦工于四六
鄭宣徽戩字天休居皋橋葬橫山

林槩字叔平本長樂人徙居吳中有子六人曰希字
子中旦字次中邵字才中穎字傳中相繼俱登科級
二登卒希爲知樞密院事謚文節旦爲殿中侍御史
邵爲顯謨閣學士謚正肅穎爲光祿卿希之子虛中
詞科旦之子處亦登第有文行邵之子摠錫出身爲
中書侍郎近世儒門之盛必推林氏云

王仲言聞之陳齊之云林叔平仁宗朝老儒也其子
吳中舊事卷一

八

希旦邵穎俱擅克家之業叔平沒時有二子尚在襁
褓未名旣長兩兄乃析其名示不忘父訓曰希曰旦
曰邵曰穎後皆爲閩人號衣冠名族

葉少蘊云今言平江府爲吳下灌嬰傳云渡江破吳
郡 下吳郡蓋平江也下概言之猶稷言稷下敖
倉言熬下云爾

潘勺字叔治登第爲吳興都掾後絕意祿仕遍遊天
下佳山水有雁蕩百詠自號癸甲先生或問其故曰
終始之義也後果以癸日卒甲日殮

葉少蘊又云吾鄉有老儒方淮深者字子通能詩嘗

爲王荆公所知用意精苦所居陋巷終日閉門遇有
詩思卽又閉其室步行其中引手瞑目若與人語或
空中搏拏跳躍故里人戲之爲方捉鬼子通嘗徑造
一園亭不遇主人自盤礴終日因題詩壁間云何年
兀突亭前石昔日何人種松栢乘興閑來就榻眠一
枕清風君莫惜城西今古陽山色地中誰有千年宅
來往何必見主人主人自是亭中客其洒落如此釋
仲殊一日訪子通留詩云多年不見玉川翁今日相
逢小樹東依舊清源無長物只餘松檜養秋風可見
其清簡矣

吳中舊事

卷一

九

陳長方字齊之其先長樂人父侁字復之娶林大卿
旦之女大雲翁處之妹與陳瑩中交甚契瑩中謫廉
州先以書賀之至于餘言由此得罪又嘗從游定夫
深得治氣養心行已接物之要故其子亦爲道學之
士齊之因外家居于步里終日閉戶研究經史號唯
室先生有步里客談漢唐論行于世其弟少方字同
之亦端慧不羣號二陳章氏本建安人郇公之裔後
徙居於吳者有二族子厚丞相家州南質夫樞密家
州北兩第屹然輪奐相望爲一州之甲吳人號南北
章以別之

吳郡城北五六里有一大冢在官塘之西相傳爲唐陸宣公墓故其地名陸墓水名陸塘淳熙間有于墓傍得遺刻與所傳合鄙人周虎張震發皆紀其事或者謂公雖郡人生于嘉興自貶忠州別駕薨于忠州其喪不曾還吳嘉興寶華寺乃公故宅按忠州圖經陸宣公墓在玉虛觀南三十步豈嘗藁葬于此又謂公已歸葬而忠州特設虛冢爾

郡治之東有和今坊今名槐樹巷或以爲楊和王存中所居而然非也按圖經在唐季已有此名紹興初楊始籍爲園垂三十年楊方進封和國雖事偶合亦吳中舊事

卷一

十

先兆也史發運宅在帶城橋淳熙初宅成計其費一百五十萬緡僅一傳不能保僦直十萬緡久不售後爲丁季卿以一萬五千緡得之紹定末丁又不能保趙汝樞來爲浙西提刑官占爲百萬倉和繼場故老說發運初歸時舳艫相銜凡舟自葑門直接至其宅前用發運司按紙黏牕煮黏麵六七石自後僅易目前耳

按此句語意未明似有脫文

萬卷堂環列書四十二厨寫本

居多始則論斤買爲故紙其後勢家每厨止得一十千席卷而去

范雎字伯達在太學嘗試禹稷顏回同道論學官見

之以爲奇作置之魁選遂馳譽京師學者至今以爲模範入館除秘書郎成象成大卽其子也

郭氏本郡中小民所謂林酒仙者每至其家必解衣以醉之酒仙遷化前數日語郭氏曰疇昔荷相接之勤以藥一杯爲報郭氏以味惡頗難之力強之飲三呷而止酒仙自舉而盡遂授以硃砂圓方曰惜乎富及三世爾郭氏竟售此藥四方爭求買之自此家大富三世之後絕無有欲之者

張震發字元龍郡人嘉定七年袁省按盧熊蘇州府志作袁甫勝

進士按此條疑有脫文

吳中舊事 卷一

十一

孫仲益守郡日戶口已四十三萬按仲益孫觀之字考吳郡志引觀普

明寺記云宣和間戶至四十三萬中更蕩離幾十十室九空則此係追述之語非卽觀守郡日實數也此條殊爲舛誤且其語未詳亦似有脫文

徐稚山侍郎有妹能詩大不類婦人女子所爲其詩

冲澹蕭然出俗自成一家

姚濟字子齊郡人淳熙二年進士 張季安 陳少

臯字舜卿按此條疑有脫文

朱冲微時以常賣爲業後其家稍温易爲藥肆生理日益進以行不檢兩受徒刑既擁多資遂交結權要然亦能以濟人爲心每春夏之交卽出錢米藥物募

醫官數人巡門問貧者之疾從而調之又多買弊衣
擇市嫗之善縫紉者製衾衣數百當大寒雪盡以給
凍者其子勗因賂中貴人以花石得幸時時進奉不
絕謂之花石綱凡林園亭館以至墳墓間所有一花
一木之奇怪者悉用黃紙封識不問其家徑取之浙
人畏之如虎花石綱經從之地巡尉護送遇橋梁則
徹以過舟雖以數千緡爲之者亦毀之不恤初江淮
發運司於真揚楚泗有轉搬倉綱運兵各處地方不
相交越勗旣進花石遂撥新裝運船充御前綱以載
之而以舊者載糧運直達京師轉搬倉遂廢糧運由

此不繼禁衛至于乏食朝廷亦不之問也勗之寵日
盛父子俱建節鉞卽居第創雙節堂又畫徽宗御容
置之一殿中監司郡守必就此朝朔望勗嘗豫內宴
徽宗親握其臂與語勗遂以黃帛纏之與人揖不舉
此臂弟姪數人皆結姻帝族夤緣得至顯官者甚衆
勗有園極廣植牡丹數千本花時以繪綵爲幙帟覆
其上每花飾金爲牌樓其名如是者里許園夫哇子
藝精種植及能壘石爲山者朝釋負擔而暮紆金紫
如是者不可數計園中有水閣作九曲路以入春時
縱婦女游賞有迷其道者冲設酒食邀之或遣以簪

耳之屬人皆惡其醜行一日而賈極估其家按原本家誤作官今資有黃發勾者素與勔不協既被旨叅明造其室家人婦女盡驅之出雖閭巷小民之家無敢容納不數日已墟其園所謂牡丹者皆折以爲薪每一花牌估直三錢勔誅又竄其家於海島前日之受誥身者盡褫之當時有謔詞譏之

朱勔之葬其父盛飾一女奴一僮以殉之僮奴不知其死也忻忻然從而入壙靖康末大飢郡人怨毒入骨劫其壙而碎其骨初入壙門見骸骨二具猶志之曰此僮奴也

吳中舊事

卷一

三

秦檜妻之弟王暎字顯道紹興初知府事峻於聚斂酷於用刑然其規爲亦有可取者兵火之餘故墟瓦礫山積乃錄入城小舟

按原本作錄入小城誤今從盧志改正

出必載

瓦礫以培塘人以爲便石之破碎者積而焚之以泥官舍不賦于民而用有餘覺報寺其私家祠也黃堂前鎔錢鑄大士像而人不敢言每刺鹿血熱酒中飲之以求補益未幾疽發于脅而死

葉少蘊言吳人俚語若等人易得久暎人易得醜雖鄙亦甚有理

餘載言在歲吳中多詩僧其名往往見於前輩文

集中余渡江之初猶見其遺書頗以詩知名其爲人性坦率其徒謂之規方外時年七十餘矣談論蕭散可嘉臨終前數日有詩曰讀書已覺眉稜重就枕方欣骨節和睡去不知天早晚西牕殘日已無多葉左丞大愛之

潘兌字說之吳人事徽宗爲侍從宣和初奉祠居里中時郡民朱勔以倖進寵眷無比父冲殂勔護喪歸葬鄉閭傾城出迓而潘獨不往潘之先塋適有山林形勢近冲新阡勔欲得之乃修敬于潘潘杜門不納勔恃恩自恣遣人諷之且席以薰天之勢潘一切拒吳中舊事卷一

古

之勔歸京師果愬于上御筆奪之已而又誅御史誣之以罪而褫潘之職雖抑之于一時而吳人至今稱龔敦頤字養正和州人兵部侍郎原之曾孫居於郡中有史學念元祐諸臣以及建中靖國上書等人多表表立名節經崇寧禁錮靖康流離子孫不能盡存平生施爲漫不可攷慨然屬意求訪遺闕遂成列傳譜述一百卷凡名在兩籍三百九人

按原本人誤而作十今改正

書于編者三百五人其不可詳者四人而已淳熙七年周益公必大修國史薦之得旨給札繕寫以進後

七年洪景盧以翰林學士領史事復薦之得上州文學

郊僑字喬年元豐中人幼學警悟

按此下疑有脫文

章季思其先池州人徙浦城後因高祖葬吳遂爲郡人焉祖父皆隱約不仕季思嘗問學于朱文公隱居白屋出入徒步人稱之曰聘君貴之也平生足跡未嘗越州境而四方之人無不知有章季思士大夫過吳以不見爲歉其爲人慕尚如此作詩至多過紙卽書書成人人取去以此爲樂終身不厭年七十八以疾終于家將卒時其正寢梁折壞有聲人皆異之吳中舊事卷一

五

郡人胡淳從季思學歲時致醪醴薪米其卒也又代二子書世出內壙中淳字以初

姑蘇李璋敏于戲調偶赴隣人小集主人者雖富而素鄙會次適李坐其傍旣進食璋視主人之前煎鮓魚特大于衆客璋卽請主人曰璋與主人俱蘇人也每見人書蘇字不同其魚不知合在右邊是合在左邊是主人曰古人作字不拘一體移易從便也璋卽引手取主人之魚示衆曰領主人指揮今日左邊之魚亦合從便權移過右邊如何一坐輟飯而笑有二故相遠派在姑蘇嘗題游處壁曰大丞相再從姪某

嘗游璋題其傍曰混元皇帝三十七代孫李璋繼至
吳俗好花與洛中不異其地土亦宜花古稱長洲茂
苑以苑日之蓋有由矣吳中花木不可殫述而獨牡
丹芍藥爲好尚之最而牡丹尤貴重焉舊寓居諸王
皆種花往往零替花亦如之盛者唯藍叔成提刑家
最好事有花三千株號萬花堂嘗移得洛中名品數
種如玉盤白景雲紅瑞雲紅勝雲紅玉間金之類多
以游官不能愛護輒死今惟勝雲紅在其次林得之
知府家有花千株胡長文給事成居仁太尉吳謙之
待制家種花亦不下林氏史志道發運家亦有五百
吳中舊事 卷一

去

株如畢推官希文章承務俊心之屬多則數百株少
亦不下一二百株習以成風矣至穀雨爲花開之候
置酒招賓就壇多以小青蓋或青幕覆之以障風日
大老猶能言者不問親疎謂之看花局今之風俗不
然大概賞花則爲賓客之集矣方臘之起郡中
巡護雖士流亦不免范無外率府學諸生氣
帶夜行用大燈籠書一絕句于上曰自古輕儒孰若
秦山河社稷付他人而今重士如周室忍使書生作
夜巡太守聞之亟爲罷去盛章作守頗嫚士范因元
夕府會作寶鼎現詞投之極蒙嘉獎遺以酒五百餘

其詞至今傳播

袁鰲字可久崑山人紹興十二年進士有文齋雅記子宗仁中詞科

甫里白蓮花寺乃陸魯望故宅之所後有祠堂貌像蓋當時物咸淳間有盛氏醉遊寺中因仆其像于水中則滿腹皆其平生詩文親藁也寺僧訟于郡時郡守倪普深怒之遂徙坐而更塑其像雖足少雪天隨之辱而無復昔時之腹稿矣

黃子由尚書夫人胡元功尚書之女也俊敏強記經史諸書略能成誦善筆札時作詩文亦可觀于琴奕

吳中舊事

卷一

七

寫竹等藝尤精自號惠齋居士時人比之李易安云范文穆公成大晚歲卜築于郡之盤門外十里蓋因闔廬所築越來溪之故基隨地勢高下而爲亭榭所植多名花而梅尤盛則築農圃堂對楞伽山臨石湖所謂姑蘇前後臺相距亦止半里耳孝宗嘗御書石湖二大字以賜之公作上梁文所謂吳波萬頃偶維風雨之舟越戊午按原木戊誤作戊午誤作午今改正因作湖山之觀者是也又有北山堂千巖觀天鏡閣壽櫟堂他亭宇尚多一時勝士賦詠無不極鋪張之美乾道壬辰三月上巳周益公必大以春官去國過公招飲圃中

夜分留題壁間云吳臺越壘距盤門才十里而陸沉
荒煙野草者千七百年紫薇舍人始創別墅登臨之
勝甲于東南豈鴟夷子成功于此扁舟去之天閱絕
景須苗裔之賢者然後享其樂耶公爲之擊節而前
後所題盡廢焉

黃端冕家有白鹿岩梅溪鹿苑臺銘記云維定武

按歷

代帝王紀元無定武年號惟吳大帝建元黃武定字或是黃字之訛六年八月日銘大

晉永和七年歲在辛亥三月十九日平原內史陸機

再建立

按陸機乃西晉人不及永和此條蓋出偽記

華陽真逸書字畫蓋

王逸少書端冕以爲視此刻則塵鶴銘爲右軍書無

吳中舊事

卷一

六

疑矣端冕名纓其先建安人居光福山中父榮直秘
閣端冕宣和末屢上書言事李丞相綱爲行營使嘗
居幙府遭亂還鄉紹興初有文名其後有名簡字元
易者博學強記善談吐能爲詩樂府所著有東浦集
雲墅談雋端冕之弟黃司理緯字師文善鑿有奇中
喻子才其妹之夫也

晁補之云近見蘇子美墨跡一卷皆自書其所作詩
行草爛然龍蛇飛動其中有獨酌詩云一酌澆腸俗
慮奔鷗鷺鵬人豈堪論楚靈當日能知此肯入滄江
作旅魂卷尾題云慶歷乙酉十月書于姑蘇驛今攷

其詩蓋是被罪之明年居滄浪亭時所書其詩語放曠如此或謂流落幽憂以終非也

清源莊李裕云建炎三年寓長洲縣彭華鄉高景山北白馬澗張氏舍時山上設烽火日舉以報平安留月餘卽過浙東臨行書一絕于壁間云昔年領牒佐邊侯愁望長安向戍樓今日衰顏來澤國又看烽火照長洲是冬金人犯杭越明年春由平江以歸白馬澗去城十里有宅百餘區盡被焚毀獨留余所居于壁邊題耿先生到此不燒七字

畢良史字少董一字伯瑞東平人丞相文簡公五世

吳中舊事

卷一

九

孫風度疑遠少游京師四舉禮部不中出入貴人之間遭亂南渡僑寓興國軍江西漕蔣璨喜其鑒辨博洽資給令赴行在遂以博古說動諸內侍內侍皆喜之上方搜古器書畫之屬恨未有能辨其真偽者得良史甚悅月給餐錢五十千仍令內侍延請爲門客又得束修百餘千而食客滿門隨有輒盡用族人恩澤補上州文學紹興中爲東京留守屬官推知東明縣東京再陷卽罷從事留北境三年著春秋正辭論語探古有宋城哲夫李師微願良執經師之宋執一卷書背立且讀且止李執一卷書向其師若有問者

而良史坐一榻上後有二女奴各有所執而阿冬者坐其間良史之季子也女奴之髮者曰孫壽冠者曰馬惠真好事者寫爲繙經圖陷北境時嘗褐衣走間道卽以蠲書上之泗上繼好勅隨蕭誼以歸歸日進所著書改秩陞朝後以直敷文閣知盱眙軍以卒子希文希旦至今子孫多居吳中云

潘夢旂字天錫郡人慶元二年鄒應龍榜進士及第所著有漢兵編

程泳之沂伊川先生之孫知崑山縣秩滿其弟鉅爲府監倉乃携其家就居焉

吳中舊事

卷一

三

王咳字希武叅知政事絢之子有第宅在崑山

紹興三年癸丑八月五日長洲縣地震自西北方來樹林皆搖蕩父老云元祐九年九月二十一日嘗如此又紹興十三年癸亥三月十五日清明大雪盈尺郡人潘擇可崇寧五年以舍法貢入京未至夜夢衣褐挽車三十兩其弟端夫衣緣隨其後政和三年擇可以上舍釋褐後三十年端夫始就恩科乃悟挽車三十者三十載也

孫价字元善居郡中其子紹遠字稽仲提舉福建常平紹祖字文仲

錢俛字維大郡人趙遠榜進士及第嘗任著作郎將
作少監

李益字彥中郡人嘉王

按宋史徽宗重和元年策進士有司以嘉王惜第一帝不

欲惜先多士遂以王昂為榜首則此應作王昂榜上舍出身

魏志字幾道郡人紹興四年進士盧彥仁龍圖閣直
學士秉之孫

姑蘇雍熙寺每月夜向半常有婦人往來廊廡間歌
小詞且笑且歎聞者就之輒不見其詞云滿目江山
憶舊游汀州花草弄春柔長亭艤住木蘭舟好夢易
隨流水去芳心空逐曉雲愁行人莫上望京樓好事

吳中舊事

卷一

三

者錄藏之士子慕容嵩卿見之驚曰此余亡妻所為
外人無知者君何得之客告之故嵩卿悲歎曰此寺
蓋其旅襯所在也

竹坡詩話

魏鑄紹興間人善書學虞世南孔廟記太和宮碑是
其跡

康師旦字周卿吳人紹興戊辰登科紹熙庚戌為江
東轉運主管官蜀相士楊生謂于相法當有肉峰生
頂上愈壯則愈顯後果有肉隆然癸丑歲為嘉禾守
楊復訪之則峯益高康嘗歷御史主簿秘書郎春秋
幾七十年矣然纔至左司郎中卒于乙卯

夷堅志

吳仁傑字斗南其先洛陽人居吳中父信舉進士官至國子學錄弟仁輔子樛

陸知微吳人靖康中爲開封尉氏丞

林璞字伯振琰字玉珪乾道五年同登進士第琰善

篆王曉字浚明何篆衣歎道僧二事見夷堅辛志按此

條疑有脫誤

淳熙己未歲夏秋之交天久不雨所在苦旱吳郡醮祭踰月不效通判趙師瑀怒見于色適有寓客林通判光祖自少奉道得法于路真官有起龍致雨符其應如響趙具詞瀝懇于林林爲飛牘奏三境上言檄

吳中舊事

卷一

三

告水府令其子永壽偕趙客陳擇齋往林屋洞投之洞蓋太湖龍窟土民云欲雨時則洞口出雲如饋錙兩人涉巨浸抵靈佑觀集道流具香几詣洞焚檄竟褰裳以入其前嘉木一本童童若幢云

郡城北數里有古石幢唐徐浩書太守陳師錫徙置府第鄉人夜過河上者多見鬼物乃相與請于州復置舊處其怪遂絕

至和中樂安公守姑蘇日虎邱崖下水涌出竹簡數十小片皆朱書有孝建年號蓋宋武時紀年也將穎叔自記于手藁其孫世昌錄收之

和靖尹先生去... 虎邱之西庵榜曰三畏齋嘉
定初丁焞晦父... 守吳郡乃建祠堂于其後

范文正公典鄉... 首建學聘安定胡先生條立學規
講堂照壁猶是... 時故物元統二年劉漢臣者爲教
授乃折以造其... 奩具未幾失火獨焚其廬而文正
公之祠歸然無恙

樂備字功成本... 淮海人寓居崑山以文學名于時登
紹興二十四年... 進士第仕至軍器監簿

顏度字魯子充... 國公五十三世孫由唐魯公之兄子
按萬姓統譜顏魯公兄子顯爲常熟
令原本作魯公之子誤今改正仕常熟遂爲吳

吳中舊事

卷一

三

人舉進士以文... 章政事名一時仕至工部侍郎孝宗
嘗謂度每出一... 言不動如山弟應字叔修子叔平字
景晏從子叔玠... 字景珪叔瑜字粹中叔剛字某皆居
高第叔并字景... 容叔璵字器之特奏名其子孫皆居
在真慶坊

顏直之字方叔... 世爲郡之長洲人生而端厚穎悟異
常好讀書靡不... 涉獵以弓矢應格差監省倉卽丐祠
養親主管建昌... 軍仙都觀自號樂閑居士作退靜齋
嬾娑其間幅巾... 危坐焚香撫琴意泊如也平生好施
與尤樂以藥石... 濟疾苦賴以全活者甚衆備物致用

率以智創輒出人意表工小篆得詛楚文筆意嘗與
叅政樓公鑰書攻媿齋榜媿字采之齊侯罇樓公意
以爲與己合賦詩美之所著有集古篆韻二十卷瘍
鑿方論外科會海瘍鑿本草等書公氣豐碩善攝生
不瀟聲色而年止五十一以嘉定十五年五月甲寅
卒墓在吳縣至德鄉雅宜山子汝霖汝礪汝勛汝勛
字元老有清行少傅趙師貢以郊恩奏得官主温州
永嘉簿江陰軍錄叅兩浙轉運司帳管改官主管文
字知和州含山縣監左藏西庫辟淮東安撫司機宜
文字通 滁常二州慶元府俱不赴奉祠雲臺觀官

吳中舊事

卷一

三

至朝散大夫至元二十八年八月四日卒年八十七



